



**Cursus Biennalis Studii Canonici, Sive Succincta Et
Methodica Sacrorum Canonum Explanatio**

Engelhard, Johann Martin

Moguntiae, 1700

Titulus XXVII. De Clerico excommunicato, deposito vel Interdicto
ministrante.

[urn:nbn:de:hbz:466:1-63255](#)

TITULUS XXVI,

*De
Maledicis.*

QUÆRES. Quid sit maledictio & quotuplex? Respond. Maledictio ut ipsum nomen indicat est dictio mali de præterito vel præsenti. committitur tripliciter, vel contra privatum, vel contra Principem, vel contrâ Deum, quod ultimum maledictionis genus propriè blasphemia dicitur, & definiuntur, *verbum contumeliosum contra Deum vel Sandos.* Quæ cum sit peccatum gravissimum, sic gravissimam pœnis coercenda erat. & de jure quidem Civili ultimo afficiuntur suppicio, per Nbvell. 77.6.1. § præceptus. Iure autem Ecclesiastico Clerici depontuntur, laici verò publicam subeunt pœnitentiam, & pœnam pecuniariam solvunt. cap.1. § 2. b.t.

TITULUS XXVII.

De

Clerico excommunicato, deposito
vel Interdicto ministrante.

QUÆRES. Quâ pœnâ afficiatur is, qui censori innodatus ordinem suum exercere præsumperit? Respond. Cum sine gravi peccato in Divinis ministrare nequeat Clericus, nisi liberum habuerit ordinis sui exercitium, hoc autem caret Clericus excommunicatus, depositus, vel interdictus, hinc pœnis quibusdam peccatum hoc coercen-

coercendum erat. Clericus igitur excommunicatus excommunicatione majori, si in ordine suo ministrare præsumserit, dupliciter punitur. Prima pœna est depositio ab officio & beneficio, personam infingenda, si monitus non desistat. Barbos. In Cap. latores b. t. Secunda est irregularitas, quam contrahit censuratus si stante censurâ ordinem susceptum exercuerit, nisi necessitas eum excusat vel scandalum publicum sive infamia timenda aliud suadeat.

TITULUS XXVIII.

De

Clerico non ordinato ministrante.

QUÆRES. An & qualiter puniendus sit, qui ordinem exercet quem non suscepit? Respond. Quemadmodum delinquit Clericus in censurâ ministrans, sic delinquit & gravius quidem is qui ordinem exercet nondum susceptum, v. gr. Si Diaconus præsumpserit celebrare Missam. Ejus pœna est, 1. quod incurrat excommunicationem sententiæ tamen ferendæ. cap. 1. b. t. 2. quod suspendatur ab exercitio ordinis proximè suscepti ad triennium. 3. quod incurrat irregularitatem, vi cuius ad ordines superiores nequeat promoveri. cap. 2. b. t.



K k §

TITU.